

孫氏世德錄目次

巽占公墓誌銘

慶餘公追思碑

登豐公家傳

詒堂府君年譜

詒堂府君墓誌銘

齊東縣紳士聯稟

孫氏家祠記

吳孺人墓誌

馬恭人六十壽日布書記

馬恭人濟南歸柩家祭文

敬先府君墓表

汝繩府君墓表

範倫府君家傳

附錄柴恭人墓表

孫松齡思母思姊詩文

巽占孫公暨崔孺人合葬墓誌銘

公諱鳴謙字巽占姓孫氏世居蠡縣南于八村自祖以上多務農代有隱德至父輝祖公喜讀書有聲庠序未壯而逝遺女一子二公其仲也年纔四齡當是時家業中落饋粥不給孤苦零丁未堪言狀賴母楊孺人守貞撫孤健持門戶及公稍長即自任耕事俾兄鳳儀公專意誦讀母督之夜漏三鼓機聲與書聲猶相續兄弟因之益相勉期有以報鞠育乃未幾兄入泮後旋亦下世於是事親持家惟公一人任矣公雖未學而天性孝友明於大義動率真誠每操作暇則依依母前奉盤匱進甘旨務得歡心姊孀居且貧母念之切窺知之立迎姊偕子女四人來家贍養俾得其所母甚悅慰凡先意承志諸多類此泊奉母諱喪葬如儀臚陳事蹟走乞士夫報請於朝旌表母節垂光史乘可謂能揚親名矣其居家也鷄鳴即起督課田園內外工婢承事懷懷寒皼暑炙親嘗之不畏勞苦家漸日裕而布素如故一粥一飯不妄費絲毫惟延師課子束脩膏火之需絕弗吝惜生平沈默寡言對子孫嚴如師保儻有過鞭朴立加不以少壯而

貧若遇鄉隣族黨則一團和氣藹若可親車馬器具任人借用年荒歲暮有乞貸者悉操量鼓而如願君子之假人不責不德公其庶幾乎夫自世俗之媮也矜奇才者鮮內修慕聲華者無實行如公之爲人或有鄙爲庸庸無足多者豈知力田與孝弟同科任卹在六行選列公以篤誠摯性肫肫於倫常日用之間家叶於宜業基於固視彼學士大夫之行何多讓焉當其耄年子若孫咸成厥業入黌宮登賢書膺拔萃濟濟而起可以怡然慰暢然樂乃猶日訓以砥行立名勉乃前修毋徒侈科名爲長孫紹曾之官日進而勗曰吾年已老汝此行恐不再見面但願汝爲清官忠國愛民毋玷家聲毋遺物議吾死亦瞑目是其崇實篤行之心始終如一今年丁亥公八十六歲於二月初十日忽無疾而終嗚呼豈非善之報歟初娶張氏無出繼娶劉氏生一女崔孺人則第三配也事公最久偕甘苦者數十年同心協力凡事親教子悉佐其不及撫視前女愛逾已出念嫂孱弱不任力作一切家務獨身摒當不諉不怨固巾幗中之賢者於同治十三年先公而卒壽六十四歲生子二長逢吉邑庠生次逢年早世女一適

石姓孫六長紹曾癸酉舉人庚辰大挑以知縣分省山東次紹宗乙酉拔貢紹武武童紹庭邑庠生逢吉出紹聞紹楷俱庠生逢年出孫女一適王姓曾孫七玉田書田墨田硯田松齡松茂松杉春田俱幼將以十月初八日合葬於村之西原公之長嗣以狀乘求爲誌墓圻與令長孫紹曾係癸酉同譜分屬孫行又忝竊一官來親珂里熟聞懿行不敢以不文辭謹拜手爲銘曰

望望其思肫肫其行木堅有心水流不競神明誠通基業實創尊道樂善寬峻莫尙忠厚遞傳詩書繼世福草芊芊綿生吉地

光緒十二年陽月 賜進士出身知蠡縣事年再任卒懋圻撰

### 慶餘先生追思碑

世之立功於天下國家與被德於隣里鄉黨者遇分困亨非德殊厚薄也境與時亨即功及天下國家非難境與時困即德被隣里鄉黨非易如蠡縣城北南于八邨孫先生者即德被隣里鄉黨者也先生諱逢吉慶餘其字也自幼遷於學於咸豐七年補學官弟子員尋補增廣生鄉試厄於遇不售遂無意上進專

志課讀於家其後子侄輩之捷棘闈列萃科遊泮水皆先生家教爲之根柢性至孝母崔太孺人得瘕症出入扶持五六年如一日父巽占公耄年患瀉溲溺親滌未嘗假之僮僕弟一諱逢年早卒先生撫侄輩如已出書曰惟孝友于兄弟門內之行已傾服於里黨心矣又能和睦鄉里困者調之危者救之至有與訟立可破產傾家者尤必曲爲調護而不惜傾囊焉抑游棍獎善良風俗蒸蒸日上善人懷而惡人畏即婦人孺子無不交口稱羨曰吾鄉非慶餘先生何以若是相安無事耶光緒十六年大水人艱於食雖病猶諄諄囑其家人以救飢即十七年三月間市米卹貧仍先生所留之遺命也是以先生當歿之日鄉之老少男婦皆咨嗟墜淚因追思共欲樹碑以表其德嗚呼先生之待隣里鄉黨如是隣里鄉黨之追思先生如是古君子所謂歿則祀於鄉者吾於先生一遇之况先生詰嗣皆英俊有爲他日善承父志永言孝思將先生之德擴充而推廣之雖其遺澤之及於天下國家者未知何如而隣里鄉黨之被德豈有量哉先生卒於光緒十七年二月初六日午時壽六十一歲其德配王孺人先生

五日卒壽六十三歲子男四長紹曾同治癸酉舉人庚辰大挑一等知縣籤分山東次紹宗光緒乙酉拔貢朝考二等授正定府元氏縣訓導三紹武武童四紹庭邑庠生女一適同邑王姓孫男七墨田松齡松茂松杉硯田秀冬心田皆幼孫女十一將於十月初三日合厝原塋先生村邊廣颺公與予有舊因述合鄉思慕之意屬予爲文以表其墓予與先生誼係通家其子紹曾紹宗皆從予遊素嘗欽其品儀其德因不揣謏陋贅數語以誌其景仰云

光緒十七年陽月 咸豐戊午舉人辛未大挑一等世愚弟王錫三撰

### 登豐公家傳

先叔登豐公生於道光甲午卒於同治戊辰壽三旬有五娶魏氏子一繼王氏子一少於先父三歲因先父業讀自任農時祖姑母有兩男於先叔爲兄行因貧養舅家先叔與並耕當力田時前倡後和隴畝間不忘恭敬疾爲親手調藥餌奉甘旨情不僅以兄事於先父則終身讓衣讓食讓財讓安逸自甘粗糲衣襤褸與傭夫僱工爲伍而當遇冬遇夜遇陰遇夏午晌况乘此學讀學寫學算

否則造米麪作零工不獨忙時忙暇時亦不息殊未嘗以兄逸已勞兄費已儉爲意後曾昆弟日衆均隨先父讀又不能分勞而費愈增然當供饌購書送考或錢或車或薪米無不急爲籌備事親尤孝當咸豐十一年先祖染黃瘟先叔晝作苦夜侍疾數十日寢不解衣又因臥憂家事日誦萬空歌於側解之光緒六年捻匪過境先叔勸父母與全眷夜逃留單身守門戶運食物而身幾遇害又先祖性嚴稍觸即怒先叔每田歸無論如何勞憊見即食息不遑趨前笑勸不解遇責仍不改婉容愉色其平日之有召無諾與不待召而先意承志尤非筆所能罄也且一生非惟尊長無拂逆即卑幼傭僕相待均無疾言厲色然諸事以身教亦自懷然可畏總之先叔未讀一日書而寫算兼通其檢身持家處倫常爲學士文人所不及蓋性善本自天生者惜享年不永前受驚於捻匪後又看秋遇賊格鬪膽怯身弱尋至不壽可歎閤家福命之薄

姪男紹曾敬撰

詒堂府君年譜

道光二十八年戊申

夏五月二十一日卯時生

父八歲

母二十歲

祖四十七歲

祖母三

十八歲

曾祖母七十二歲以年老得曾孫閣家大喜聞彌月時大雨親友

冒雨來賀

道光三十年庚戌三歲

冬十月十三日

先曾祖母故壽七十四歲

先曾祖母長

先曾祖三歲

十九歲于歸歷五年

先曾祖入泮旋分居又歷五年

先曾祖故時

先曾祖母二十九歲孀守家貧子女均幼

先伯祖七歲便讀書以繼書香

先祖四歲便習農以持家業

先祖姑九歲便佐勤紡績炊爨以理內政相

率以勤儉自勵從此家道日昌功名浸盛奕禩食報無窮其賢德於光緒口

年蒙縣尊張立傳刊入縣志三十一年曾爲請旌奉

旨旌表節孝建坊於

墓聞幼時愛甚篤因無力抱使人抱置膝上弄之又

先伯祖先於十六年

故壽三十八歲無出以 先父奉祀三十一年曾請封奉政大夫  
咸豐八年戊午十一歲

春入學受庭訓先於八歲時已授訓數月後緣 先父從學於高陽 李省  
吾太夫子停課二年至是 先父入泮復教讀從八年所授經書均極熟後  
就外傳漸荒

同治四年乙丑十八歲

冬十二月娶元配吳氏年二十歲同邑萬安人

同治五年丙寅十九歲

春與吳氏矢志度日因 先父執友吳純翁來舍談持家宜量入爲出述先  
正格言富者入千錢出不止千錢雖富亦貧貧者入一錢出不及一錢雖貧  
亦富竊聽有感時家中計地頃餘產仍日益然生齒日繁人心漸渙遂與吳  
氏預謀自立吳氏典匿衣數件外添嫁時拜禮湊錢數十吊交 先父息放  
相期一文不費吳氏儉至以布縷爲帶由此積十成百積百成千至十二年

積至二百吊光緒十七年積至五千餘吊一生衣食基此

同治六年丁卯二十歲

春夏亢旱赤地千里米麪斤價錢百五月鹽匪起事從縣境小陳萬安一帶

搶劫午尖吾村而去時衆只二三十人北行數十里即搶馬擄人飢民多附

黨日增九月復至聚衆數百人民甚驚懼夏六月二十八日始雨秋大收民

心稍安因雨晚多種蓋麥種奇貴斗價錢七吊上下至秋植禾並收

冬十二月入泮學憲係 賀雲甫夫子業師係縣城 張慶餘夫子自五月

館因亂散先於五年從 冉可久夫子童試一次此二年就外傳學規頗寬

窗友復有忌用功者嘗自用默功又鄉俗秋麥放學外平日亦或鋤耕自恒

帶默詩文

同治七年戊辰二十一歲

春正十六日鹽匪擁衆數百萬從府城西南大至眷隨村衆連夜冒雨逃至

西南潘營漫營等村四望火光燭天廷燒數百里相顧淚下謂全家付之一

炬至二十七日賊去而返室家宛然蓋因本村掘壕預防賊幸未占喜逾望外

秋九月二十六日先叔故壽三十五歲以當春正避亂先叔獨留至急始出入秋看地又遇賊圍鬪受驚胆怯身弱忙秋中寒得痧證危時曾侍側先叔見有戚色慰之曰勿以吾病爲憂日後能佐祖父以持家業吾歿猶存旋即長逝悲夫先叔性極孝友待姪輩尤寬厚仁慈不見疾言厲色然凡事以身教自懷然可畏從前數年家務農業先祖均靠承辦晚景頗慰至此先祖復勞心焉

同治八年己巳二十二歲

春受業於楊順亭夫子係壬戌舉人辛未大挑一等清苑楊家莊人自六年入泮遭兵燹鄉學多散七年西河來水又荒於漁至秋未願從嚴師以收放心因委贖焉先師終日舉比危坐厲辭色懈即責因此己功亦純記一日值鄰莊廟會放學觀劇臺下仍自默文故進亦頗速初課卷下等至年終

恒屢卷優待過諸生

同治九年庚午二十三歲

春受業於 王芸閣夫子係戊午舉人辛未大挑一等清苑王家莊人學規稍寬然循循善誘同門中益友復多故學尤易進秋應鄉試與窗友傅瑤軒兄連號因場作蒙 師許可妄思徼倖比揭曉傳得已失情殊悵然自此益勉

同治十年辛未二十四歲

是年以 芸閣夫子下春闈挑場恐誤功又苦供給維艱回家自讀夏秋復荒於漁悔欲從師稟 命再三不允不得已與 冉可久夫子定計潛逃川資學費由吳氏典衣相助劉蓮舫兄復借錢數千外偕穆蔭齋洪徵三乘夜負裝由西河登舟赴館

夏六月初九日寅時長女生

同治十一年壬申二十五歲

仍從學 芸閣夫子自去冬入學植師講鑑略授諸生讀時燃香以識遲速因占速率特蒙優待課卷恒先批有時親送又嘗以文可中年當中之語欣動之故一年進境頓增

同治十二年癸酉二十六歲

秋鄉試中式第三百二十四名是年以二弟出外從學於崔繩武夫子家難並供復自讀春功頗純除常課外每夜寢恒拈題腹稿作文一篇秋北上夥友乘舟至淀多動博飲興自恒假寐誦文微幸實由於此

冬十月諷吉祭 祖儉如 先祖因大喜演劇慶賀費錢千串弗惜然此實爲耗費後嘗以不力阻爲愧

同治十三年甲戌二十七歲

春入都覆試會試落第回家授徒

冬十一月十八日 先祖母故壽六十四歲 先祖母於十八歲歸吾家時地不足二四十畝 先祖隻身耕種儉無僱工 先祖母除理中饋紉紡外

不獨碾磨躬親兼佐勤塲圃田園 先祖又性急遇事不恕因之鬱火上沖  
先得目疾繼得口眼歪斜症迄未大愈後當暮年又遇 先叔早歿痛子傷  
身於同治九年冬兼得瘕症愈延愈重行走不便坐臥床席數年而逝緊可  
哀矣

光緒元年乙亥二十八歲

仍在家授徒 芸閣夫子恐累於家務爲薦館於安州趙宅時家道窘急  
先父以在家徒衆脩豐命辭 先生覆書云以賢契英銳之資自甘暴棄恐  
將來老大徒傷不免蹈余覆轍耳後果一度十年有誤上進然家債藉此漸  
償實不無小補

光緒二年丙子二十九歲

夏因鄉中多賭與穆功臣前輩倡議禁止演劇立約誓衆數年無犯者  
光緒四年戊寅三十一歲

春因去歲歉收民大飢人多餓斃秋患霍亂死尤衆 冬多盜倡立保甲巡

更會按戶貧富派夫多寡分班輪流值夜擇曉事者爲班首富者另出薪米燈火等費立約章罰款張貼警衆並有時身自當夫撤夫時或捐置酒餽犒賞故倡辦數年無懈鄉境獲安

光緒六年庚辰三十三歲

春大挑一等籤掣山東初以無才望得二等歸教及得一等後仍願改降二等因費重而止挑例每班二十名一等二名二等九名落挑八名挑時列入末班人只十四一等例准一人身爲班首入卽唱名背履歷尤易有錯乃竟得一等又初擬告近因誤限未辦掣籤適得山東近省幸甚觀此似皆命定

光緒七年辛巳三十四歲

夏端午日卯時子松齡生前於戊寅年生男週歲而歿先室吳氏盼男甚切至辰年生女旋若瘋若癡願自置簪先父憐其情切允之定約於大莊鎮梁姓女娶有期吳氏適有孕兆余婉阻曰俟分娩再女娶不遲如先娶萬一得男恐非家庭福事遂寢茲果得男未必非吳氏善心之報

光緒十年甲申二十七歲

夏閏五月十六日卯時次女生

秋二弟宗得選拔六弟庭入泮

冬奉杏

赴省卸館事

光緒十一年乙酉三十八歲

春二月奉杏到省計前教讀十年得脩數千串惟悉度日還債赴省仍借助親友計借銀一百餘兩錢四百三十吊奈家窘仍需留用只帶銀二百兩錢四十吊外官衣行李需錢三百餘吊幸皆自備藉資啟行比到省候不數月囊資幾空不得已於七月謀分青州府讞局當差年終積銀百餘兩正月帶家冀速還欠又因家窘留用從此拖欠多年未還統計出官到省於家無累於親友未免有負

光緒十二年丙戌二十九歲

春二月接眷回青時長女十六歲次女三歲子松齡六歲松齡初無意令讀因伊舅吳晴川戲授百家姓樂讀不倦於四月公事有暇始專意授書年終

由三字經小學韻語課兒史略龍文鞭影四書讀至詩經二本次年七歲讀  
畢詩經易禮至周禮二本又次年八歲讀畢周禮左傳公羊穀梁爾雅孝經  
又次年九歲讀畢古詩源唐詩三百首唐詩別裁離騷楚辭又次年十歲讀  
昭明文選時文時詩時賦作詩成首又次年十一歲時爲光緒十七年隨余  
丁憂回家因無暇教讀僅溫舊業

光緒十二年丁亥四十歲

春二月初十日 先祖故壽八十六歲先於正月十六日奉府檄代理博興  
縣篆二月初四日交卸即赴樂安縣閱卷月底回寓適接訃音於三月初携  
眷星奔 先父正苦喪費無措幸帶博興任銀壹百六十餘兩先置柏櫛冬  
十月安厝復寄銀百兩憶當去年回家復出 先祖含淚言吾年已老此去  
恐難再見不意竟成讖語哀哉

秋八月四弟聞五弟楷入泮前 先叔身任農事讓兄與姪輩讀書未嘗以  
勞逸甘苦介意 先父日望姪成名以報今果齊步巽門皆 先父與 先

叔厚德苦心所致惟 先祖尤熱心功名惜歿未親覩爲憾  
光緒十四年戊子四十一歲

夏五月十一日先室吳氏卒壽四十三歲請內弟吳晴川於六月接靈回家  
吳氏自二十歲于歸上事重親諸多稱意相夫以義枕席間無離間語從官  
在外時以清廉相勗又嘗以減衣增福減食增壽訓戒子女自奉尤儉衣服  
多改舊爲之尺布寸縷未嘗輕用公寓仍粗糲自甘不棄瓜皮粟殼待人  
甚厚遇應周濟事錢無吝惜如供王子遜讀書數年在公影而用已財毫無  
計較其他類此者多性復純孝當外出時託人按月寄錢奉母臨終諄囑萬  
勿報母受驚以添晚累吁亦賢矣憶吳氏自歸吾門日盼名盼子及得名生  
子從未享一日福又因予性躁時以教子牽懷歿當窘鄉中衣被褥均布病  
困產難幼女少男未面數年公寓如囚千里作鬼還鄉可悲可歎記當庚辰  
挑時閤家皆喜伊獨戚然豈入官不利於本身已先露之兆耶其母於是年  
十一月亦故聞仍不知其女之亡情亦可憐葬助京錢數十吊此亦體先室

孝心聊爲飲助也

冬十二月續娶陳氏年二十八歲山西平陽洪洞人伊父塋山翁任昌樂縣捕廳是年斷續兩事約費銀四五百兩窘甚

光緒十六年庚寅四十三歲

秋九月二十日戌時三女生

光緒十七年辛卯四十四歲

春二月朔 先母故壽六十三歲初六日 先父故壽六十一歲先後聞訃

遄奔時當歉歲薪桂米珠鄉民缺食幸由青帶銀二百餘兩先以百餘兩遵

父遺囑市米貸鄉餘置柏榔諷吉于冬十月三日合厝又先室吳氏停柩

未葬並同日隨靈入窆榔用杉木錢由自備 先母身素弱于歸時家窘人

單厨竈碾磨身獨親任後又繁於子女累以紡績縫紉自中年因勞瘵喘晚

而增劇又以予與二弟宦遊添離索憂淚時涔下漸次彌留 先父身素壯

爲熱心功名苦讀得怔忡病自 先叔故後續添家累於親友鄉族復有求

必應急時恒不計飢飽寒暑以致氣血漸衰時患喘瀉後 先祖年老亦患瀉 先父侍疾同寢每夜黎明先扶親瀉旋自瀉亦有時先自瀉迨十三年春二月 先祖故 先父膺疾理喪氣體愈弱先患失音繼得臈證六弟又中瘋迷哭笑無常行走靡定後其室人因此憂斃遺幼孫二人 先父愛憐少子覩此零丁苦况病勢愈增所以臈證已得仙方醫愈旋犯至是年二月朔又見 先母去世時當凶歲家累日增 先父念身與二弟均服官丁憂內外窮無以救遂因病添愁相繼溘然長逝嗚呼痛哉時積債五千地無三頃人連僱工四十餘口柴米均買人心久渙雙親疊亡家無約束服官丁憂正沈苦海 孀母睹大局可危倡議分爨自立先擇價重之地頃餘抵賬三千餘吊剩賬一千八百餘吊地二頃八十餘畝上輩大支先分下輩各房再分計四五兩房頂一大支各分地四十餘畝賬四百餘吊長次三六四房頂一大支各分地二十餘畝賬二百餘吊其赴省幫項錢七八百吊遺歸自認又爲六弟認賬一百四十吊受三弟四弟移撥抵賬地十一畝餘賬五百一

十五吊總計多分賬千餘吊分後各知度日債漸還清地增數倍非 嬾母見明志決何能有此轉機

冬十一月長女出嫁於西百尺村蔣宅壻名樹珊影中貼錢六十吊餘均自備

光緒十九年癸巳四十六歲

冬十月子松齡入泮年十三歲册報十二緣文始滿幅兼報試默十三經呈明五經默寫餘經與文選楚辭離騷古詩等默誦縣試閱卷係江西孝廉蕭苞九夫子印鳳文欲授案元因縣尊避嫌而止府試蒙朱敏齋公祖傳內面試數次賞送九成宮皇甫碑帖兩套小學集注理學宗傳史記善華錄書三部筆墨各二盒院試蒙李若農宗師取入泮後二弟宗於乙未聯捷在京稟見宗師猶蒙垂詢足見期許者深

十二月爲二弟武在京捐從九職銜因予與諸弟均讀書成名三弟獨務農持家愧無以對捐此藉彌缺憾

光緒二十年甲午四十七歲

春二月起服回東例於上年五月服闋因宦情素淡故爾遲遲適本班花樣有隙可捐罄與前室積款費銀一千四百餘兩赴京報捐秋八月 李鑑帥撫東九月委赴蘭山郟城辦理團防十一月差旋十二月委署長清縣篆

秋九月初六日繼室陳氏卒年三十四歲陳氏人頗聰明亦嫻針黹烹調惟性浮而欠沈著體亦單薄故短於壽遺所生女一前室子女二均幼窘甚鬻衣市棺爲歛因迫差限速殯登車環顧子女晄晄潸然淚下路如癡人眠食俱廢行必以手撫心幸到郟城承倉大令俊臣多方遣懷兼施醫藥漸愈計入宦十年遭祖與父母大喪三次妻喪兩次坎坷極矣當孔棘時亦惟自顧自憐自苦自歎向誰將伯哉

光緒二十一年乙未四十八歲

春三月送陳氏靈柩回家安葬

夏四月二弟宗中進士分兵部由甲午中舉聯捷可喜寄銀三十兩

五月定聘李氏年二十七歲山東歷城人已定娶期前五月報故東俗女許字未嫁歿用婦人裝歸葬夫家以未合禮却之

秋七月續娶馬氏年三十一歲祖籍浙紹寄籍順天以母過愛嚴於擇配早未字人性情和平針黹烹調外兼通算寫自此子女得依中饋有主內顧無憂

光緒二十二年丙申四十九歲

春二月十六日交卸長清縣篆在任一年有餘地當衝要接印後正值中東戰事兵差絡繹接送動需車數百輛出境必兩尖一宿又中界黃河兩岸隄長百餘里兼奉諭嚴辦團防地廣六七百里民衆千餘莊除理詞訟外奔走不遑勞亦甚矣幸是年河慶安瀾四鄉無故 鑑帥在上差過易辦藉免隄越並因此積債一清餉口有賴以後疊蒙差委瀕行時並擬開單擢署親口以吏才相許予讀書得 芸閣夫子爲師服官得 鑑塘大帥爲憲實命中幸事終身感無以報

冬十月携眷由津回家爲馬氏與閣家相識並補行廟見禮買書由津繞路所欠赴省幫項及捐花樣斷絃到任各債均清共銀一千數百兩外置地三頃購書千金余自幼愛書遇破損必親手裝訂鄉會入都必減口腹腳費買之至此要書始粗備

又以六弟庭度日惟艱前分居時已代還賬一百四十千茲又將夥分地產讓與爲業又分送五弟錢文以備孝養 孀母又定遇諸弟兒女婚嫁女嫁幫錢十五吊男婚幫錢十吊貧者酌增

光緒二十三年丁酉五十歲

春二月携眷返東並帶杉姪來寓讀書岳母柴氏適於本月十二日病故繼室與母數十年相依爲命一旦未面永訣情殊堪憫送奠數百金

夏 芸閣夫子故先師以辛未大挑分省廣東親老未仕在家授徒衆年恆數十人前後約千餘人善誘不倦遇有才者每自供讀閒談及講論書文皆諄諄於立品遊其門者因爭相砥礪人有望而知爲門下者科名之盛魁元

不斷鄉會恒數名以上以故聲振畿輔文人多以未得師事爲憾余與二弟五弟均從受業聞計寄銀五十兩擬備請入鄉賢等費嗣同門僅議修祠建坊於家並刊碑頌德亦可永垂不朽矣

秋入闈當外簾讀卷差

冬十一月由山東賑捐局捐同知銜

光緒二十六年庚子五十三歲

春保屬拳民仇教滋事初涑水有武舉某者素與教民有隙因奉山東拳匪爲師仇教民抗官軍一倡百和不數月自保京相率蜂起皆腰束紅布焚香唸呪旗指火燃若有神助並謂其術能避洋人槍炮四月抄五月初聚至數十百萬先燒毀長辛店楊村鐵路電線繼天津紫竹林洋房洋行亦盡燒毀延及京師內廷見勢盛以爲可恃優加賞賚並畀重權洋人駭懼紛調兵入內先奪據大沽炮臺繼陷天津直督裕自盡統將聶陣亡外省兵觀望不前獨李鑑帥奉命巡閱長江水師聞急先帶衛隊兩哨星馳赴難戰敗盡節

七月二十一日京城陷幸兩宮西幸大局不救不得已委慶邸與李相議和  
二十八年 聖駕始返從此受制外洋可歎

夏六月以本班先輪補齊東縣缺

冬十一月二弟宗赴行在助資斧百金

光緒二十七年辛丑五十四歲

春因改科制命子松齡學英文冬入山東學堂 爲紀表伯預製壽衣又爲

王大舅定每年津貼錢三十吊

夏六月二十八日到齊東縣任先期二十四日上游章邱陳家審決口閣境  
被淹苦甚年終告退未准

冬十二月子松齡回直娶親次正携媳來東

光緒二十八年壬寅五十五歲

春三月次女出嫁於高陽李宅壻名培深來就婚齊署

秋七月初三日姑母故壽六十歲

秋補行庚子辛丑兩科鄉試以京師貢院庚子被毀借闈河南新改制頭二場試中外史事政治策論三場試四書五經義子松齡中式第一百九十名  
光緒三十年甲辰五十七歲

秋七月子松齡由山東學堂考取預備科咨送京師大學堂得錄名後于九月又改由北洋大臣咨送日本學法政速成科定十八個月卒業

九月交卸齊東縣篆由於應酬過境上官不周因盜案被議惟志久欲告退又係因公獲譴亦自怡然齊東爲著名苦缺幸自到任之下忙地丁新改錢號銀價適輕又月嚴裁浮費以故較前爲勝然地濱黃河小清工賑繁興入夏尤須駐工督防兼無力請友與多用家丁相助數年隻身苦難殫述

光緒三十一年乙巳五十八歲

春正月蒙東撫胡鼎憲奏請開復自到東上憲相知者李鑑憲外卽爲鼎憲二月因在任捐有練兵費銀三百兩准予請獎爲四弟聞五弟楷各捐貢生姪復昇復皆復唇復曜各捐監生月底回家乘春社備筵與閤族會燕展墓

祭祖藉丈墓地並詢各戶生卒備修族譜又因諸弟析居後雖各蒸蒸日上而身爲長兄服官一場禮宜分潤給三弟六弟地各五十畝四弟地二十畝五弟二十畝伊等業地約均頃餘五弟數尤過之從此皆援入升階稍釋懸念外復擇親族朋友可周濟者酌分錢文以盡睦婣之意惟擬建宗祠學堂因籌無善地而止心尙缺然

光緒二十二年丙午五十九歲

子松齡畢業回國是秋奉直督袁委充天津自治局參議

八月二女出嫁於任邱李宅壻名桂馨

冬修族譜成與諸弟往還商權積稿盈尺

光緒三十三年丁未六十歲

二月二女病歿於高陽夫家里宅 回家視諸弟歸途至平原中風幾殆有

友幕於縣署投救得治

四月子松齡應舉貢考職取二等得直隸州州同未令就職因奉東三省總

督趙次帥調罷天津自治局差旋歸侍亦未赴調是秋濟南日報聘爲主筆  
八月奉檄回齊東縣原任

光緒三十四年戊申六十一歲

按 先公年譜親筆至五十八歲止此後男松齡所代續也 先公上年  
回任餘恙尙在躬而家人未隨延友未備政務繁劇獨力支撐往往夜分  
不寐至是年春病又加重迨家繼慈往視調護已艱遂以二月十五日卒  
於任所

氏繼娶洪洞陳氏俱先公卒合葬於兆繼娶會稽馬氏皆封恭人子松齡光緒庚子辛丑 恩正併科舉人女長適同邑蔣樹珊次適高陽李培深皆吳恭人出次適任邱李桂馨陳恭人出馬恭人生女一尙幼公行既堅卓可型於後而松齡所具事狀復質實不誣是宜銘銘曰

嗚呼噫嘻仁足以濟衆而止於斯也其可見者從政之果立身之介而其匡時之志牽於勢位而不得遂者則人未或之知也有子頎頎將大厥施也遺愛歎歎東人之思也沒而不朽以傳其又何悲也

山東齊東縣紳士聯稟巡撫請表章孫前令興學事實文

敬稟者竊縣境爲濱河下邑地瘠民貧風氣閉塞於教育一事向無基礎前縣尊孫大令紹曾兩次在任四年慨然以興學爲己任先於光緒三十年間籌設官立高等小學堂事屬創辦壁劃一切勞瘁備至光緒三十三年再蒞縣治遂議普設蒙學辦法其時部章初頒疑阻者衆經大令剴切解釋使知蒙學之制仍以識字習算及本國經史爲主其參用科學不過略啓萌芽以爲升學預備

從簿書會計皆一人是司公毅然不以爲困初公至東分獻青郡月給至微薄其後解長清任又嘗應賑飢購料稽征土藥諸事極跋涉之瘁公夷然處之不以爲難居平謹守寒素食無兼味出無常駕聞者或以吝嗇病之至于子弟求學戚友有急難相謀雖重費弗恤非獨性至亦其家訓然也公家世業耕讀自曾祖以下皆訥言而篤行祖父少孤旣自奮於艱危之中益以搏己亟人爲志公逮承祖訓畢生弗渝卽祿入之積不敢以自厚晚年出資財市田畝分惠諸弟諸從弟有差及其卒也遺命捐二千金興齊東蒙學錢二千緡助里中蒙學知交莫不歎服公之訓子侄必諄諄舉祖德爲式修家譜竣又籌建宗祠祭田皆有成畫其敬宗收族之心老而彌摯云公先世山西小興州人明永樂二年徙居直隸蠡縣遂爲蠡人曾祖諱輝祖縣學生祖諱鳴謙父諱逢吉縣學增廣生祖父皆 贈中憲大夫祖母張氏劉氏崔氏母王氏皆 贈恭人兄弟四人公爲之長公生於道光二十八年五月二十一日卒於光緒三十四年二月十五日元年六十一以宣統元年十月 日葬於南于八村西祖塋之次娶同邑吳

氏繼娶洪洞陳氏俱先公卒合葬於兆繼娶會稽馬氏皆封恭人子松齡光緒庚子辛丑 恩正併科舉人女長適同邑蔣樹珊次適高陽李培深皆吳恭人出次適任邱李桂馨陳恭人出馬恭人生女一尙幼公行既堅卓可型於後而松齡所具事狀復質實不誣是宜銘銘曰

嗚呼噫嘻仁足以濟衆而止於斯也其可見者從政之果立身之介而其匡時之志牽於勢位而不得遂者則人未或之知也有子頎頎將大厥施也遺愛歎歎東人之思也沒而不朽以傳其又何悲也

山東齊東縣紳士聯稟巡撫請表章孫前令興學事實文

敬稟者竊縣境爲濱河下邑地瘠民貧風氣閉塞於教育一事向無基礎前縣尊孫大令紹曾兩次在任四年慨然以興學爲己任先於光緒三十年間籌設官立高等小學堂事屬創辦壁劃一切勞瘁備至光緒三十三年再蒞縣治遂議普設蒙學辦法其時部章初頒疑阻者衆經大令剴切解釋使知蒙學之制仍以識字習算及本國經史爲主其參用科學不過略啓萌芽以爲升學預備

不可因反對新章反蹈廢學實害分日傳集城鄉董事塾師親自勸導舌敝唇焦十餘日後漸行悅服然後頒發課本整齊課程就鄉塾入資苦心經營改爲蒙學規制計全境成立蒙學二百餘處曾於是冬報司在案雖維持經久有待後人然開始之功亦艱絕矣綜計大令在任惠政類多躬自刻苦不求人知之事而其於全境記念獨深者尤以斯舉爲最天奪善人積勞病逝此誠閭邑人民之不幸而學界所同聲悼痛者也大令前以蒙學經費難籌擬自捐濟平銀二千兩以爲補助獎勵之用當病亟時遺命家人務達初志除墊支蒙學書價外將餘銀如數補出交紳士公議發交殷實舖號存放生息不得移借他用紳等入城致弔同聞傳命倍增悽感今經大令之子松齡陸續將該項銀兩措齊點交紳等公收計前墊書價二百六十六兩續交現銀一千六百三十四兩共濟平銀二千兩全數收足紳等皆係向充鄉董或現辦學務人員事關前令遺惠不敢隱沒除公議立碑紀念外理合稟請鑒核立案昭示永久並懇特賜表章或錄送通志局纂入將來史乘俾輿情得伸追念之忱是否有當敬候批

行爲此合詞謹稟

蠡縣南于八村孫氏家祠記

長人用仁養仁由愛建愛自親愛深仁廣去愛仁絕親篤愛隆去去親愛絕言仁忽愛言愛忽親異國異教未達人性者也惟我孫氏族自遷茲訖今五百年越明清兩朝由所知祖爲始及松齡而九世以有此祠惟我詒堂先大夫出苦節之俸畜經數十年紆曲悠久之規慮需俟以始此祠惟我族人奪其日不暇給之辛勤與精專一室之籌策衡度歡欣鼓舞通力合作以畢此祠蓋皆蒙親親之教由敬宗收族之道涵濡摩盪與天地無極今政治易古禮俗日易昔之宗法之守世祿之續所以豐祭福而宏族紀者自不可繼而吾族尙可以力田土著之故死徙無出鄉族之人親親有基尊祖有自凡祖宗之德澤故國之教義斯人斯世幾希未絕之道揆膺於是依異時人窮反本異國向風四海復禮必卒有眷顧荒野誠服取法之一日中國農國吾族農民將來以農大信無惑矣祠之起先大夫曾預擬祭禮繼以易代異儀今未遵用僅本庶人祭寢之義

齋合族公祠之地建正堂五間爲公祠室建東西廂各二間一爲藏主室一爲私祀假用室又建別室若干間爲治羞室整儀室祠之成購基飭材糾工集事先後以先大夫遺貲支辦凡費國幣三千圓有奇民國八年十一月始工九年五月竣事十三年二月九日九世孫松齡承族人之命敬爲之記

亡室吳孺人墓誌

亡室吳氏邑之北鄉萬安村故處士信民翁長女也生於道光丙午年十二月初四日辰時以同治乙丑年十二月初八日歸於予事予者二十三載有六月其卒則光緒戊子年五月十一日巳時也氏性孝愛而勤儉針黹烹爨不辭勞瘁逮事先大父母與父母俱得歡心相夫以義予自入學膺鄉舉以至出任得力於內助爲多教子女不狃於婦人之仁幼子甫六歲勤佔畢未嘗稍事姑息待奴僕無疾言厲色雖未通經識字聞聖賢格言莫不改容切記其永矢弗諼者則減衣增福減食增壽二語嘗本此以訓誡子女然自奉雖約而施與不吝予設帳十一載待及門嘗愧不豐遇同人有躑阨事慷慨勸助毫無難色

體素強健自從宦在外需次艱苦持家政過勞漸至氣血受損遂產難卒於青州寓所臨終之時因家有老母懼觸傷感囑勿報知其孝之死生無間如此卒年四十三歲遺子一女二子名松齡方八歲長女十八歲次女五歲於卒之四年十月初三日隨 先父母同日葬於 先祖墓側嗚呼予無所樹立不克顯揚親德敢於婦有溢詞惟是以伉儷之篤不忍沒其性行之實故不得已略贅數語以誌其墓子若女長能善體母心遵母教則九泉下或有瞑目日乎嗚呼痛矣是爲記

右記爲 先考詒堂府君遺墨作於 先妣葬後未及刻石稿未亦未署年月 先考既沒從文篋檢得珍重緘護宣統元年十月奉 先考柩歸里合葬敬謹補刊男松齡識

### 孫母馬恭人六十壽日布書記

民國十三年夏正甲子四月二十七日爲吾孫師母馬恭人六十壽日令子松齡念希世弟恭奉慈命屏去世俗一切徵集酬酢之事惟許以是日傳播古人

有益書籍或印或刊十年一舉以志家慶聯道交既念希以爲繼先志表鄉賢救世風正學統均莫如從事顏李二先生之書恕谷年譜尤簡要易窺宜先出於是就蠡縣原刻資印若干一時戚友聞而善之輸助觀成稱爲盛事以士敏曾遊先師詒堂先生之門又曾受先生命授課念希與念希舊德最契也命爲之記載諸卷端士敏竊謂恕谷學派世固多有知者念希傳布恕谷年譜爲親壽自行其家教不同衆亦不求衆同皆不煩贅論獨太恭人風義落落出塵俗吾輩嘗私歎以爲難能太恭人爲會稽馬公金門季女父兄仕宦生長華隴及年三十一歸先師爲再繼室遂一變爲田家之服御北土之飲食起居處之宴然老而彌泰此一難也事先師遜抑若不及造次言色婉承溫解未嘗失度而馭繁支重綱紀負荷強於丈夫爲先師嫁娶前室子女三人部署在官啟行奠居之事十數年間十餘役條理身後斂殯歸葬之事自禮法財用之大至於儀節器飾之微釐當曲周無愆於素此二難也通曉今古億人家國事動中隱微而壹意敦行情專門內母喪一夕骨立夫疾不起割股和藥以進舅姑所不逮

事歲時祭享依依如慕還鄉展墓悲不自勝此三難也貶已厚公於用財尤甚家政之廉惜及水火而當仁見義惟恐後人凡先師建宗祠濟鄉校贈產弟昆暨在任捐廉興學諸大事太恭人胥與其謀民國九年畿輔之災聞邑設因利局即日解囊以千金餽此四難也恆人喜華而惡樸太恭人教子獨無宦情念希治事無大小赴以全力每有籌筆之役太恭人輒憫其勞凡念希之友計官資慨時難多策念希於功名惟太恭人毅然一主於恬退以故念希從政數進數休躬衝吏事而常有田園之趣文藝之懷去歲出權江西政務廳一日言歸計不旋踵此五難也夫以柔嘉維則之身而興壽考作人之典則斯舉也匪惟事足記人足記卽吾輩之先後奔走亦相與被寵而流光矣欲後有徵因題名爲志同年月日及門高陽王士敏謹記

### 馬恭人濟南歸柩家祭文

維中華民國三十年國曆七月二十二日卽夏曆六月二十八日日夕不孝子松齡謹以清酌庶羞之奠告於吾 母馬恭人之靈曰嗚呼哀哉吾 母之沒

今遂二十日矣 母之沒以六月初九日而精神之去則實始於初五日坐遺  
傾仆之日後此五日綿息僅屬而已蓋自二十六年九月初四日事變之亟而  
精神已失次二十九年三月二十五日左股偏蹶而體魄已半枯此四年中吾  
母所度皆困苦顛連之日日有摧而月有剝迄於終命而吾 母之靈先行已  
久嗚呼哀哉吾 母之健百年可期吾 母之能萬事何阻而乃事變橫生天  
沉地裂人生慘毒乃至此耶事變以來不孝每來省 母無可爲語語悲則恐  
吾 母之悲益痛語歡則似不知吾 母之悲每相對移時音咽氣索比今夏  
四中旬歸侍五日 母不言所苦且告謂長孫婦侍奉賢孝問及次孫長幾何  
定婚否二室凝然不自知其何以不樂初來之日撫 母面 母顧謂兒親至  
此臨行之夕視 母爪長滋垢親敬剪剔亦領受之初但以爲省歸不易愛日  
宜珍不自知其此即最後之愛末次之省也嗚呼吾 母慈於人之事多矣顧  
慈而行之以嚴則非人所樂其爲人謀忠亦至矣顧忠而寓之以察則亦非人  
所安吾 母一生慈與忠之所貽人終不敵其嚴與察拒人之劇抱孤懷負重

責而能相諒相惜者無幾奄忽侵尋以有事變而無告之境成矣吾 母孤居  
濟南自 先父見背之四年民國紀元不孝北遊始不孝之北爲顧 先人廬  
墓守 祖傳重農之教志於罷遊規本非得已也吾 母之於東則亦以 先  
人遺蔭所在寄久而安默謂子孫終倚之有其大不得已卒之北有大事 母  
未嘗不赴東有大事不孝亦未嘗不歸而獨不得一焉而久並始也不孝去吾  
四妹長不孝隱以爲恃及事變起妹去側不孝乃大汲汲二十七年由北寓中  
環人更省皆不能久侍二十八年稍久之無人專也二十九年之夏孫男振先  
畢業輔仁大學乃遣偕婦居東專之而吾 母病已深壽已迫忽忽不及待矣  
嗚呼不孝之於吾 母再繼母也屈計一生侍親日月依吾 父凡得二十八  
年依生我之 先吳氏母得八年依 繼陳氏母得六年獨於吾 母得依四  
十六年而一年中言歡色笑之時入民國來恒不匝月所倚以承志乃惟在於  
千里以外之音書計期而去之省視人生親子間遭際之酷未有如吾 母子  
者也吾 母來歸吾 父四十六年中嫁吾二妹三妹授不孝室由山東歸葬

吾父於本籍齋縣建宅本村參預村居宗族婚喪排難解紛諸大事守山東寄廬所貽於吾孫氏非常之鉅吾父之疾割股以療及喪附身附棺謀必周而戒必謹千里扶歸至如夙備民國二年之冬不孝帶疾歸濟南二十六年之春不孝臥疾北京吾母皆憂勤以爲大事見北寓人時念不孝起居不自重詢問切切至若身教之行於吾家如祭祀恪誠如自奉儉薄如門戶謹嚴如賓客禮文周至均足歷百世遵循罔替而吾家之報奉吾母乃至生不及養疾不及醫有子如遺坐視莫睹嗚呼哀哉不孝之罪擢髮難數矣不孝今雖百反其辭終不足以盡此心之內疚祇以奉柩北歸即在且暮弔客盈門齊來預送不得不稍述哀思之大以達衆聞北京附近不孝業於上年遵命購地願母之靈即往就葬此間是吾父服官著績吾母生長久居之地停留半月有餘足容諸戚好展伸情誼以後長孫夫婦繼志長期居此今日業爲吾母之靈成主耐於父主之旁願且以主守宅以旛隨柩照視兩地維護周至俾不孝奉葬畢再歸叩主前舉行反哭陳詞有盡虔禱無窮嗚呼哀哉尙饗

# 孫敬先先生墓表

同邑及門齊樹楷拜撰

同邑後學李九華拜書

先生諱紹宗字敬先蠡縣南于八村人樹楷受業師也父逢吉縣學生員性好學家計儉約求善本書籍不惜貲晚年積藏甚富先生幼時父以產薄不周諸子讀命廢學而農一日輟耕泣求復業得許次年補博士弟子員旋食餼與兄貽堂公紹曾學行文章名于時稱蠡吾二孫是時清苑王錫三芸閣夫子爲躬行實踐之學道德型一方時出其緒餘以教授當時功令所謂文者巨直隸數百里學士皆樞衣趨赴王家莊惜陰軒稱弟子而吾師兄弟以性行嚴重文字精邃冠其曹爲高第各以所得傳受徒友從者絡繹如歸市其後貽堂公以名孝廉出宰山東吾師益廣其學於湖北張裕釗廉卿浙江勞乃宣玉初習其詩古文音韻算術律例等學遂受知於吏部孫詒經子綬貢成均選元氏訓導先生顧不自喜惟以王夫子之道啓迪地方人士以培植元氣當其時王氏弟子

在各縣則清苑崔承三繩武博野曹榮紳晉卿祁州李德馨桂秋安平劉灝泉  
蘭舫順德劉升三晉峰密雲朱天朗子清皆聚弟子數十人講學在朝則蔣式  
芬劉振鏞等以風烈著閻志廉曹志清等以文學稱安文瀾以博學王瑚以廉  
而吾師頡頏其間獨以讀書有用訓厲其子弟嘗曰吾人居官則轉仕風居鄉  
則爲好秀才方可不負所學樹楷與兄等廷先生於家塾同族齊振林兄弟來  
從學先生歸又與高陽王士敏清苑楊春燾同邑張鵬翥等從於家而先生猶  
子松齡以天才亮特興其間嶄然見頭角矣先後所成就大都因循能自樹  
立先生猶不自信進楷等於王家莊惜陰軒求益焉以楷之固陋頑鄙得於文  
章道德學問之途略有窺見先生啓之光緒甲午乙未先生聯捷成進士以  
主事分兵部庚子扈蹕西安回變後加四品銜晉員外郎京察一等出知河南  
睢州光顯矣顧由京而外以樸誠正直行之是以所如不合在任數月遇疾致  
仕家居民國二年二月初九日子時卒壽六十有二配馮氏側室李氏子一復  
旺習法學李氏出女六人長適高陽北路台高得福次適同邑北辛莊劉續周

三適安州蔡家口梁焜四適同邑王家營劉俱馮氏出六字同邑北齊村李五在室待字俱李氏出民國以來競言地方自治而地方人士乃相率馳逐市朝空故里而出鄉之人無所資以考道問業成事益遐想於教授里黨薰德善良乃唐虞盛世人非浮學所能幾於萬一也松齡曰子當志謹即稍有見於先生者略書之以質今之識時君子

### 孫汝繩先生墓表

嗚呼此吾 叔父諱紹武汝繩孫府君之墓也 府君之於吾家艱貞逮乎三世蓋自 先大父慶餘府君分職授諸子而 府君始專農事用是 先父詒堂府君 先仲父敬先府君得肆力於學以科第仕進不恆厥家而 先季父聆訓府君以銳讀之年遭疾不事事凡吾 父兄弟之所以事吾 曾祖父母 祖父母下畜松齡兄弟中有其家室自吾 父之幼迄今茲松齡之就衰數十年絜維 府君是賴微 府君諸從兄弟其必不能居今日之居事今日之事無疑也其於鄉里正直重於一方又所謂小有所畏而不爲君子有所


恃而不忍者也。府君爲人貌峻而情親，其於人默過於語，或陰致其忠而終無一辭子姓面。府君屏攝如不敢盡，及更艱難，躬危苦然後知嗔咻拊勉。無如。府君慈者約已至廉，而見義則勇，食疏衣敝，型於一家於周，亟恤凶凡公共利賴之爲慨然任重如易其素者，以輸振功清代，獲獎叙邑令蒞新褒題時至天懷淡泊視之漠如也。中華民國十七年五月二十日，以疾卒，年七十一。叔母高陽段氏茹蘖履辛，以無校善成。府君之德是年七月二十一日繼卒，年七十四。子復曦復曜復昀復曦先卒，以復曜子守先嗣。復曜等將以其年十月十六日於南于八村西祖塋合葬，既別爲行狀詳盡生平，其兄子松齡乃復撮其大略，據詞告哀以貞諸石。至於世系祖德先世墓表已具，茲不備書。詞曰：未學必謂聞諸卜子世之清明生也，或使惟我。叔父降神嗣徽實寶於邦，匪家之肥。叔父之孝釋卷而鋤，愉愉重闈孜孜一夫。叔父之友遜學昆季，孰游而揚吾守無二。叔父之慈有幼吾幼以暴以濡，以蔚苗秀鄉閭父老。叔父具瞻捍災急難有倚巖巖名馳邑中表宅矜式。叔父無聞自事其事德。

如叔父而不期頤凡百爲慟豈惟我私人亡道微國步殆哉銜悲靡吐揭諗方來

### 孫範倫府君家傳

堂叔範倫孫府君諱紹楷我 叔祖登豐府君仲子生五歲而孤 叔祖妣氏王憐之甚終身於 叔祖妣前依慕如孺子讀書秉筆從我 仲父敬先府君遊 仲父之門人咸親之 府君於同祖兄弟序五語及五先生無不怡然也既錄邑庠學方暢達遭家析產罷業事農凡鄉黨家族及諸昆弟間有文字禮儀之役咸一以諉 府君 府君輒專其勞不自惜書法工敏見者玩愛 先考官山東 府君以時報家事甚悉偶闕至則 先考不樂嘗佐 先考修家譜每有徵詢自家諮訪而達於東千里往來積藁盈尺天性和易所與無忤彌縫匡救周於人人突遭惡疾久醫不瘳以民國二年十月二十日卒於里廬年五十臨沒清明言語井井慈母失聲里閭揮涕有子三人孝弟力田善事祖母 府君雖歿家道卒完歿後十七年從子松齡追思而爲之傳

世德錄所見孫氏二世世系表



詒堂公子松齡列圖